

WĀ EO AN COVID-19 ÑAN AJIRI RO 5-11 AER YIŌ

011822 MARSHALLESE

Objij eo ej bōk eddon kakien mōñā im wūno (FDA) emōj an kōmelim wā eo an COVID-19 ñan ajiri ro 5-11 aer yiō. Joñan wā ñan ajiri ro 5-11 aer yiō ej juon mōttan jilu in joñan wā eo an rūtto. Einwōt bar rūtto, ajiri ro renaj aikuj ruo wā, jab diklok jen jilu wiik alikin doon.

Jinen im jemen ajiri ro emaron wōr aer kajitōk im oktak lomnak ko aer kin wā eo

Kōmmāne juon jemlok in wāiki ajiri eo nejum emaron juon mennin inebata. Emaron jibañ ñan am bōk jidik ien, kōmmāne juon laajrakin kajitōk ko, im kenono ibben juon taktō eo kwōj lōke. Taktō ro an ajiri, rijerbal ro an jikin wūno, im nōōj ro an jikuul remaron uwaake kajitōk ko am.

Etke ajiri ro 5-11 aer yiō rej aikuj bōk wā eo?

Wā in COVID-19 emaron:

- » **Jibañkejbarok an ajiri eo nejum jab nañinmij** kin kij eo an COVID-19
- » **Kejbarok an ajiri eo nejum jab lukkun nañinmij** jekdoñ ñe rejab bōk COVID-19
- » **Kejbarok an ajiri eo nejum jikuul im kadiklok abañ ko ikijen lale ajiri.** Ajiri ro elukkun dedelok aer wā rejab aikuj jab ito tak elañe rar kebaak juon armij eo ewōr an COVID-19 ijellokun ewōr aer kakōlkōl
- » **Kadiklok am maron kaajeeded COVID-19** ñan ro jet

Ewōr ke kejbarok ilo wā ko an COVID-19 an ajiri?

Emōj lelok wā eo an Pfizer ñan milien rūtto im ajiri joñan yiō 12 im rüttolok.

- » Ilo katak ko ibben tarrin 3000 ajiri, **emōj kar loe ke ewōr kejbarok im ejejjet an jermal wā in COVID-19** ñan bōbrae jen nañinmij in COVID-19 ko ibben ajiri ro 5-11 aer yiō.
- » Ejañin wōr **abnōnō kauwōtata ko** jen wā eo ilo kumi in armij ro ilo joñan yiō kein. Objij eo ej bōk eddon kejbarok im bōbrae nañinmij (CDC) im FDA rej woñmaanlok in lukkun lale wā eo im lukkun lale jabdewōt abnōnō ko emōj ripooti.
- » **Juon wā ediklok kin 10 microgram** ear jejjjet an jermal ibben ajiri ro joñan yiō ko aer 5-11 (ej 30 microgram ñan wā eo an rūtto).
- » Emōj kar an FDA, CDC, im Kumi in Jermal eo ej Etale Kejbarok kin Katak ko an Armij ilo State ko Ralik (Western States Scientific Safety Review Workgroup) **etale im kōmelim** wā eo an ajiri.

Myocarditis (ebbōj ilo menono) ej juon nañinmij eo ejeja, bōtab kauwōtata im ear walok ibben jet jodikdik im likao im jiron ko (1 ilo 50,000) alikin aer bōk wā eo an COVID-19. Ejellok ian ajiri ro 3,000 ilo katak ko joñan aer yiō 5-11 rar nañinmij jen myocarditis alikin aer bōk wā eo. Myocarditis emōj katmane an diklok an ekkā ibben ajiri ro rediklok alikin aer bōk wā eo an COVID-19 kin wā eo ediklok joñan.



Ta abnōnō ko remaron walok?

- » Abnōnō ko alikin jabdewōt wā rej kakōlle ko ekkā ke enbwinnim e kōmman an kein bōbrae.
- » Kin wā eo ediklok 10-microgram joñan, ekkar diklok abnōnō ko alikin wā eo kein karuo—diklok piba, diklok piō—jen ibben ajiri ro rerüttolok.
- » Abnōnō ko ekkā ibben ajiri ro joñan yiō ko aer 5-11 emaron koba metak beir, būrōrō ak ebbōj ba, mōk, metak bar, metak majel, piō, piba, ak maloñloñ. Elab abnōnō ko renaj jako iomwin jet raan.
- » Ejejā, bōtab jet armij remaron walok juon aer abnōnō kauwōtata jen wā eo. Aoleben armij rein rar loe jibañ in taktō ilo ien eo wōt.



Wā eo an COVID-19:

- » **Ejellok** coronavirus iloan wā eo im ebañ lelok COVID-19 ñan ajiri eo nejum.
- » **Eban** jañiji DNA eo an ajiri eo nejum im mōttan kij in bōrañ ko, im ejab kakwōn iloan DNA eo.
- » **Ejab** kōmman waroñe.
- » Wā eo ear kōmman iomwin eloñ yiō in katak ko.

	Rūtto (12+)	Ajiri (5–11)
Joñan Wā	30 microgram	10 microgram
Joñan wā ko	2	2
Joñan wiik ko ikōtaan wā 1 & 2	3 wiik	3 wiik

Ilo katak ko, ajiri ro rar bōke wā eo ediklok ekkar bar joñan wōt juon kejbarok jen kij in nañinmij eo einwōt armij ro joñan yiō ko aer ej 16 ñan 25.

Ia eo ajiri ro remaron wā?

- » Wā in COVID-19 ko an ajiri ewōr ilo jikin ko einwōt imōn wia wūno ko, obji ko an taktō, jikuul ko, im jikin wā ko jet ilo jukjukinbed.
- » Kwōmaron bar lale:
 - » [Getvaccinated.oregon.gov](https://www.getvaccinated.oregon.gov)
 - » [Vaccines.gov](https://www.vaccines.gov)
 - » Jikin Taktō ko an Rijikuul ilo County eo an Multnomah - multco.us/health/student-health
 - » Kūrlok 2-1-1 ñe kwōj aikuj jibañ eo elablok (ewōr riukok)